

1. júní 2007

## Þrjú barnabörn á níu mánuðum

Jóhanna Vilhjálms úr Kastljósinu og Geir Sveinsson, fyrrverandi handboltakappi, eignuðust dreng fyrir skömmu. Drengurinn er barnabarn borgarstjóra, sem hefur eignast þrjú



barnabörn á níu mánuðum.


SÍÐA 2

## Auglýsir vodka handa Bandaríkjamönnum



Söngkonan Hafþís Huld auglýsir vodka handa Bandaríkjamönnum. Hún heldur brátt tónleika hér á landi en uppselt er á flesta tónleika hennar.

SÍÐA 4



Tinna Lind leikkona:

# GIFTIST GARÐARI THOR Í SUMAR

SIRKUSMYND/ANTON BRINK



Greiðslukjör í allt að 36 mánuði

Ívaskivortil Eignir útborgun

Gleraugað

Bláa húsin við Faxafen  
Suðurlandsbraut 50  
108 Reykjavík

Sími 568 1800

gleraugad@innvi.is  
www.gleraugad.is

Sjónmælingar  
linsumælingar



# fréttir

JÓHANNA VILHJÁLMSDÓTTIR FJÖLMIÐLAKONA OG GEIR SVEINSSON EIGNUÐUST SON Á DÖGUNUM. VILHJÁLmur BORGARSTJÓRI BÝST EKKERT ENDILEGA VIÐ NAFNA EN NÝTUR SÍN Í AFAHLUTVERKINU.

## Heyrst hefur



### Fyrsta plata færeyska folans

Plata Jógvans Hansen, fyrstu X-factor stjörnu landsins, kemur út hinn 11. júní. Samkvæmt staðfestum fréttum frá útgáfufyrirtækinu Senu mun plata Jógvans einfaldlega bera nafnið Jógvan. Á plötunni verða lög sem Jógvan syngur á ensku, bæði eftir hann sjálfan sem og aðra þekktu listamenn. Hinn færeyski Jógvan heillaði þjóðina í X-factor sjónvarpsþættinum og fékk 70% atkvæða í úrslitabættinum en þar keppti hann við vinkonur sínar í Hara, þær Hildi og Raket Magnúsdætur. Þessi 28 ára hárgreiðslumaður sýndi og sannaði í raunveruleikabættinum að hann er alvöru poppstjarna sem getur sungið og flutt alls konar tónlist og því biða án efa margir eftir fyrstu plötu færeyska folans.

### Sirkusbloggið vinsælt

Sirkus hefur opnað sitt eigið blogg. Á blogginu verður hægt að fylgjast daglega með fréttum frá blaðamönnum Sirkuss sem og lesa það helsta úr blaði hvers föstudags. Bloggið fór á fullt á miðvikudaginn og þá skoðuðu um fimm þúsund manns það, sem gerir Sirkusbloggið eitt vinsælasta blogg landsins. Slóð Sirkusbloggsins er [www.blogg.visir.is/sirkus](http://www.blogg.visir.is/sirkus).



# ÞRjú BARNABÖRN Á NÍU MÁNUÐUM



PABBINN Geir Sveinsson og Jóhanna eignuðust son á dögnum.



**B**arnabörnin eru orðin tiltölulega mörg á skömmum tíma. Á síðustu níu mánuðum eignaðist ég þrjú barnabörn og svo átti ég tvö fyrir svo þau eru orðin fimm í heildina auk þess sem ég er einnig afi hennar Ragnheiðar sem Geir og Jóhanna eiga," segir Vilhjálmur Þ. Vilhjálmsson borgarstjóri en Jóhanna, dóttir hans og einn umsjónarmaður Kastljóssins, og Geir Sveinsson, fyrrverandi handboltastjarna, eignuðust son hinn 25. maí. Sonur Jóhönnu og Geirs vó tæpar 19 merkur og mældist 54 cm. „Ég er búinn að kíkja á hann, þetta er fjallmyndarlegur strákur," segir Vilhjálmur og stoltið leynir sér ekki. „Helga Björk, dóttir mín, átti stelpu í byrjun ársins og Baldur, sonur minn, eignaðist stelpu í september. Þetta eru allt yndisleg og falleg börn og heilbrigð og það er fyrir öllu," segir borgarstjórnin, sem hefur gaman af barnabörnunum. „Ég hef gaman af afahlutverkinu en vildi að ég hefði meiri tíma til að eyða með börnunum. Ég hitti þau þó reglulega og fylgist með þeim. Það er svo gaman að sjá persónuleika þeirra myndast og fylgjast með þeim styrkjast og manast."

Vilhjálmur segist ekki vita hvort hann fái nafna þegar Jóhanna og Geir Sveinsson skíra nýjasta fjölskylduméðliminn. „Ég hef ekki hugmynd um það og hef ekkert velt því fyrir mér. Það er til svo mikið af Vilhjálmum í ættinni. Þetta hefur mikið breyst, krakkarnir finna sér nöfn sem eru ekkert endilega tengd fjölskyldunni og það er engin pressa frá mér. Aðalatriðið er að barnið sé heilbriggt og að því líði vel."

[indiana@frettabladid.is](mailto:indiana@frettabladid.is)

FEDGIN Vilhjálmur ásamt Jóhönnu dóttur sinni.

## Tilbúin fyrir 1. júní?



Prófaðu Nicorette Innsogslyf með munnstykki



Þín ákvörðun, þín leið, þitt Nicorette

Nicorette nikótínlyf eru fánleg án lyfseðils og eru notuð þegar reykingum er hætt eða þegar dregið er úr reykingum. Til að ná sem bestum árangri skal ávallt fylgja leiðbeiningum í fylgiseðli. Skammtar eru einstakingsbundnir eftir því hve mikið er reykt, hvort hætt á reykingum eða draga úr þeim. Því ber að kynna sér upplýsingar um notkun í fylgiseðli. Í fylgiseðlinum eru upplýsingar um: verkun og notkun, varðáreglur, mikilvægar upplýsingar sem nauðsynlegt er að lesa áður en lyftu eru notuð, hugsanlegar aukaverkanir og aðrar upplýsingar. Leiðir til læknis eða lyfjafræðings ef þú ert á frekari upplýsingum um lyfið. Þeir sem fengið hafa ónæmi fyrir nikótíni eða öðrum innihaldsefnum lyfsins, nýlægt hjartaáfall, óstöðuga versnandi hjartaöng, alvarleg hjartaáttargöng eða nýlægt heilablóðfall eiga ekki að nota Nicorette nikótínlyf. Börn yngri en 15 ára, þungaðar konur og konur með barn á brjósti eiga ekki að nota Nicorette nikótínlyf nema að ráði læknis. Lesið allan fylgiseðilinn vandlega áður en byrjað er að nota lyfið. Geymið fylgiseðilinn. Nauðsynlegt getur verið að lesa hann síðar. Handhafti markaðsleysis: McNeil Denmark ApS. Umboð á Íslandi: Vistor hf., Hörgatúni 2, Garðabæ.

[www.nicorette.is](http://www.nicorette.is)

## LATIBÆR Á SVIÐ Í SUÐUR-AMERÍKU

**M**agnús Scheving og félagar í Latabæ eru búnir að gera samninga um gervalla Suður-Ameríku um sýningar á leikriti sem byggt er á sögunni um Latabæ. Um er að ræða sýningar í að minnsta kosti tólf löndum, þar á meðal Chile, Brasilíu, Ekvador, Hondúras og Mexíkó, en fyrsta sýningin verður í Buenos Aires, höfuðborg Argentínu, hinn 16. júní næstkomandi.

„Leikritin eru unnin í samvinnu við heimafólk en við tókum mismikinn þátt í uppsetningunum," segir Þórólfur Beck, sem er yfir viðskiptaþróun hjá Latabæ. „Í öllum tilvikum útvegum við þó leikritið sjálf."



Með sýningunum í Suður-Ameríku má segja að Latibær sé kominn aftur á byrjunarreit. Magnús Scheving gaf upphaflega út bók um Latabæ en í kjölfarið fylgdu tvær leiksýningar, sem sýndar voru í Loftkastalanum og Þjóðleikhúsinu, sem nutu gríðarlega vinsælda hér á landi og lögðu að einhverju leyti grunninn að Latabæjarveldinu.

„Þetta eru í raun sömu leikrit en við setjum þau upp á annan hátt og karaktararnir eru orðnir þróaðri, búningarnir breyttir og svo framvegis. Það stendur ekki á áhuganum og það eru margir sem vilja vera með," segir Þórólfur en Latibær er nú sýndur í 109 löndum. „Þeir suður-amerísku aðilar sem við erum að vinna með eru mjög reyndir á þessu sviði og hafa sett upp sýningar fyrir stóra aðila á borð við Disney og Barney. Þeir segja að miðað við viðbrögðin sem við höfum fengið í miðasölu hafi engin sýning fengið jafn góðar viðtökur. Latibær er jú líka mjög vinsæll hérna en þættirnir eru talsettir á spænsku og portúgölsku."

Latibær í Suður-Ameríku Latibær er á leið til Suður-Ameríku þar sem hann verður settur á svið í tólf löndum.







## Þinn stökkpallur að námi loknu

- 90% íbúðalán við kaup á fyrstu íbúð
- Námslokalán
- Áframhaldandi námsmannakjör í 1 ár
- Sérkjör á bílafjármögnun
- Frítt kreditkort fyrsta árið
- 15.000 króna inneign á VISA kreditkort

Þegar námi lýkur taka við spennandi tímar. Sparisjóðurinn býður þeim sem lokið hafa háskólanámi eða sambærilegu námi, og eru að koma undir sig fótunum, þjónustu sem er sérsniðin að þeirra þörfum. Farðu inn á [spar.is](http://spar.is) eða komdu til okkar í næsta sparisjóð og kynntu þér kosti þjónustunnar – reiknum dæmið saman.



**SPARISJÓÐURINN**  
– fyrir þig og þína

# fréttir

## Heyrst hefur

**Dorrit alltaf glæsileg**  
**Dorrit Moussaieff** forsetafrú var að vanda stórglæsileg á Íslensku menntaverðlaununum sem afhent voru við hátíðlega athöfn í Ingunnarskóla í Reykjavík í fyrradag. Dorrit var í glitrandi grárrí peysu, sem líkist einna helst hönnun Peters Jensen, með svartan mittislinda og þar hvíta stórglæsilega perlufesti um hálsinn. Dorrit fylgdist þar með manni sínum **Ólafi Ragnari Grimssyni**, sem stofnaði til verðlaunanna á sínum tíma, en auk þeirra var margt um góða gesti, þar á meðal **Þorgerður Katrín Gunnarsdóttir** menntamálaráðherra.



HAFDÍS HULD KOMIN HEIM OG HELDUR TÓNLEIKA Í NÆSTA MÁNUÐI:

# AUGLÝSIR VODKA handa Ameríkönnum

**É**g hef ekki komið heim síðan í janúar og þá stoppaði ég svo stutt að ég varð að koma og hitta vini og fjölskylduna og anda að mér fersku loftinu," segir Hafdís Huld söngkona, sem er stödd á Íslandi í tvær vikur til að syngja í kvikmyndinni Heiðinni. Hafdís Huld og hljómsveit hennar hafa nýlokið tónleikaferðalagi um Evrópu en uppselt hefur verið á flesta tónleikana. Hafdís Huld hefur auk þess leikið í skemmtilegum auglýsingum Reyka vodka sem er íslenskur vodki seldur í Ameríku og hafa auglýsingarnar á netinu slegið rækilega í gegn. Hún var valin úr hópi margra sem reyndu fyrir sér í auglýsingunni en prufur fóru bæði fram á Íslandi og í Bretlandi. „Ég er búin að fá ótrúlega góðar móttökur og fólk virðist vera að ná húmorinum," segir hún hlæjandi. Hún segist ekki vita hvort auglýsingarnar hafi aukið áhuga fólks á tónlist hennar en þær hafi alla vega ekki skemmt fyrir. „Það hefur allavega gengið rosalega vel og auðvitað hjálpar allt. Fólk sér auglýsingarnar á síðunni minni og svo öfugt, þetta virkar vel saman. Við höfum líka verið að gera vídeóblogg á tónleikaferðalögum okkar, ekki í ólíkri stemningu, sem er fyndin tilviljun." Þar sem Hafdís Huld býr í London dvelur hún hjá foreldrum sínum í Grafarholtinu þegar hún er á Íslandi. Eftir heimsóknina heldur hún til Svíþjóðar og spilar á Hulstfred-festivalinu og eftir það á Glastonbury. „Ég spilaði líka á Glastonbury árið 2003 með FC Kahuna en núna skiptir þetta mig miklu meira máli. Litla órafmagnaða sveitin mín verður að spila lögin mín," segir hún og spenningurinn leynir sér ekki. „Eftir Glastonbury verður ferðinni haldið til Íslands en ég verð með mína fyrstu tónleika hér á landi á Nasa 28. júní. Ég hlakka mikið til því fjölmargir vinir og fjölskyldumeðlimir hafa aldrei séð mig spila nema með Gus Gus. Það verður líka gaman að koma með hljómsveitina hingað og sýna þeim Gullfoss og Geysi og láta þau borða slátur." Hægt er að sjá auglýsingarnar á reyka.com. [indiana@frettabladid.is](mailto:indiana@frettabladid.is)



**HAFDÍS HULD** Hafdís mun halda sína fyrstu tónleika á Íslandi í næsta mánuði og er spennt að spila fyrir vini og ættingja. MYND/ALISDAIR WRIGHT

## DUX Original



### SUMARTILBOÐ

DUX 1001 Original 90x200cm með Xtandard yfirdýnu án fóta, (Verð áður kr 158.000)

**Kr. 112.000**

**NÝTT!** DUX 1001 105x200cm með Xtandard yfirdýnu (Verð áður kr 186.000)

**Kr. 123.000**

2 stk DUX 1001 90x200cm og heil Xtandard yfirdýna 180x200cm (Verð áður kr 316.000)

**Kr. 224.000**

**DUXIANA®**  
 ADVANCED TECHNOLOGY IN SLEEPING

Ármúla 10 • Sími: 5689950

## Notaði fullt nafn til að fá ódýrari flugmiða

**É**g hef ekki notað Georgs-nafnið frá því ég var unglingur," segir sjónvarpsmaðurinn Helgi Seljan, sem heitir í raun og veru Georg Helgi Seljan Jóhannsson. Helgi hefur ekki notað Georgs-nafnið um árabíl og hefur meira að segja látið breyta nafni sínu í Þjóðskrá.

Helgi, sem er landsmönnum að góðu kunnur úr Kastljósinu, segist aðeins hafa notað Georgs-nafnið þegar hann vildi fljúga ódýrt innanlands. „Þá hringdi ég og pantaði miða í nafni Georgs Jóhannssonar. Svo fór ég niður á flugvöll og það um hoppfargjald í nafni Helga Seljan. Og þar sem Georg Jóhannsson kom aldrei að sækja miðann sinn var tryggt að

ég fengi hoppfargjald, sem var mun ódýrara fargjald," útskýrir Helgi. „En eftir að ég varð of gamall fyrir hoppfargjaldið hef ég ekki notað Georgs-nafnið."



**Georg gírlausi** Heitir einnig sama nafni og Helgi Seljan.

**Georg Lárusson** Nafni Helga Seljan.



**Helgi Seljan** Heitir í höfuðið á afa sínum en hvorugur vill þó láta kenna sig við Georg.



**ÆTLARÐU LANGT UM HELGINA?**



**POKASJÓÐUR**  
MERKI UM UPPBYGGINGU

**FARÐU VARLEGA – LÍF LIGGUR VIÐ!**



GUÐLAUG HALLDÓRSDÓTTIR TEXTÍLHÖNNUÐUR VEKUR ATHYGLI FYRIR SÉRSTAKAN STÍL HVAR SEM HÚN FER.

# AÐHYLLIST FÁGAÐAN GÖTUSTÍL



**Mittislindi um miðjuna** „Pilsíð er úr hermannaefni, klippt úr mörgum flikum, og mótmælir striði. Ég er með mittislinda um miðjuna en þeir eru að koma mikið í tísku. Skórnir eru þeir þægilegustu í heimi en þeir heita Anatomica og fást aðeins í einni lítilli verslun í París.“

**Uppáhaldsgallabuxurnar** „Buxurnar og bolurinn eru hönnuð af Junya Watanabe sem er uppáhaldshönnuðurinn minn. Svo er ég í Miu Miu skóm við.“



**Á vespu** „Gallabuxurnar eru úr Nonnabúð en peysan er Henson-peysa sem ég hannaði.“

SIRKUSMYND/RÓSA

**LAUNAGLEÐI**

**Taktu þátt í Launagleði SPRON!**

Leggðu inn sumarlaunin þín á reikning hjá SPRON, skráðu þig á spron.is eða snilld.is og þú færð biókort í Sambíóin.\*

Í lok ágúst fá 10 heppnir þátttakendur í Launagleðinni 20.000 kr. gjafabréf sem hægt er að velja úr einni af eftirtöldum verslunum: BT, Eymundsson eða NTC (Deres, Sautján, Smash og Retro).

**Vertu með í gleðinni.**

Kynntu þér málið frekar í síma 550-1400, í næsta útibúli eða á spron.is

75 ára | **spron**

Ég hef mikinn áhuga á fötum og tísku og get tekið ástfóstri við ákveðin fót ef mér líkar vel við þau,“ segir Guðlaug Halldórsdóttir, textílhönnuður og einn eigandi verslunarinnar 3 hæðir. Gulla segir ákveðin fót gefa frá sér góða orku og þannig fötum geti hún gengið í aftur og aftur. „Þótt fötin eldist hætta manni ekki að líða vel í þeim og það skiptir mig miklu máli. Svo sýna fötin líka svolítið hver maður er,“ segir Gulla og bætir við að það borgi sig oft að fjárfesta í vönduðum flikum. Gulla hefur haft áhuga á fötum og tísku frá því hún man eftir sér. „Ég hef ofsalega gaman af góðri hönnun og flottum sniðum og sauma mér stundum fót. Oftast tek ég samt bara og breyti gömlum fötum því gömul snið eru oft barn síns tíma,“ segir Gulla sem hannaði fót fyrir Hanson-íþróttamerkið sem eru til sölu í 3 hæðum. Um þægileg fríundaföt er að ræða sem Gulla hannaði út frá sjálfri sér og sniðum sem henni þykja þægileg. „Efnid í Henson-fötunum er alveg frábært, maður svitnar ekki í þeim og efnid kemur alltaf eins úr

þvottavélinni,“ segir hún og bætir við að hönnun hennar sé með þúffermum og aðeins meiri smáatriðum en þessir venjulegu íþróttagallar. Þegar Gulla er beðin um að lýsa sínum stíl



segist hún líklega hallast að einhvers konar götustíl. „Minn stíll er líklega fagaður götustíll. Ég er mikið í buxum en reyni líka að vera kvenleg. Konur á Íslandi klæðast buxum of mikið en það er kannski bara út af veðrinu,“ segir hún. Aðspurð hvernig konur eigi að klæða sig næsta vetur segir hún tiskuna spennandi framundan. „Tiskan hefur verið mjög fjölbreytt en nú er þögn að koma inn. Svartur og gylltur og leður og grófari efni eru líka að koma og smárósóttir ömmukjólur. Þetta verður flott, kvenleg og sexí tíska.“

indiana@frettabladid.is




**Blá fríundaföt** „Þessi fót hannaði ég í samvinnu við Henson og er að selja í versluninni minni.“



**Flott** „Hér er ég í rauðum toppi og gallabuxum úr 3 hæðum. Skórnir eru úr Miu Miu eins og flestir skórnir mínir.“





NOA  
PERLE

cacharel

\* Gildir meðan birgðir endast. Gildir aðeins með þeim 50 ml ilnum sem eru taldir upp í textanum. Ein taska með hverjum ilmi.

cacharel



Á næsta Cacharel útsöluþað færð þú sem kaupauka\* fallega og sumarlega Cacharel tösku og baðvöru þegar þú kaupir 50 ml Noa, Noa Pearl, Amor, Amor Elixir, eða Anais Eau Legere ilm frá Cacharel. Útsöluþaðir Cacharel.



# Fylgir ástinni til Englands

**Tinna Lind Gunnarsdóttir** er nýútskrifuð leikkona og unnusta Garðars Thors Cortes. Tinna rifjar upp æskuna, námið og veltir fyrir sér framtíðinni í samtali við Sirkus.

Ég hlakka ofboðslega til að fara í frí og vera bara með Garðari. Það er eina planið sem ég hef næstu mánuðina," segir Tinna Lind Gunnarsdóttir, unnusta Garðars Thors Cortes, en hún er um þessar mundir að útskrifast af leiklistarbraut Listaháskóla Íslands.

"Skólinn er búinn að vera mikið ævintýri. Það hefur bæði verið ofsalega gaman og ofsalega leiðinlegt í skólanum en hann hefur verið mjög lærdómsríkur. Ég hef kynnst sjálfri mér vel við hinar ýmsu aðstæður og stundum jafnvel betur en ég vildi," segir Tinna Lind. "Það er svo mikil gagnrýni sem nemendur í svona námi fá og sú gagnrýni er svo persónuleg. Það er ekki bara sett út á einhver verkefni sem þú hefur gert heldur er sett út á göngulag þitt, tala og svo framvegis og maður fær alveg nóg af því. Seinni part námsins er aðaláherslan samt á að þjálf okkur í að vera skapandi listamenn þar sem maður nýtir sér þá tækni sem hefur verið kennd, svona þegar maður er farinn að ganga rétt og tala eins og manneskja," segir hún og hlær. "Skólinn hefur oft verið erfiður en það stafar oftast nær af því að maður er eitthvað að flækjast fyrir sjálfum sér. Það sem situr samt eftir er hvað þetta er skemmtilegt."

Tinna Lind, sem er 28 ára, ákvað að sækja um í Listaháskólanum fyrir um fjórum árum. Áður hafði hún ætlað að gerast flugmaður. Hóf atvinnuflugmannanám en hætti þegar hún átti lítið eftir og komst inn í leiklistina. "Þegar ég var að læra að fljúga sögðu vinkonur mínar að þetta væri ekki nógu gefandi vinna fyrir mig í framtíðinni. Ég gat ekki hugsað mér að gera neitt annað en að fara í leiklist en sagði þeim að ég tímindi ekki að eyða fjórum árum í leiklistarskóla. Ári eftir að ég hafði látið þau orð falla tímindi ég því hins vegar," segir Tinna Lind og segist alls ekki sjá eftir því. "Ég sé heldur ekkert eftir tímanum og peningunum sem fóru í flugið og ég held að það séu mikil forréttindi að fá að framkvæma bæði draum númer eitt og draum númer tvö."

## Flutti ung að heiman

Tinna Lind er sveitastelpa, alin upp á Kirkjubæjarklaustri, en fluttist ung að heiman. "Foreldrar mínir voru einmitt að flytja þaðan og ég var að ná í gömlu gullin mín til þeirra. Er með dúkkur, barnatennur og gömul listaverk úti í bíl," segir Tinna broandi. "Æskuárin á Kirkjubæjarklaustri voru voðalega góð og mikið frelsi fyrir börn að geta hlaupið úti fram á kvöld en á unglingsárunum fór ég að verða órólegri. Ég á ekkert nema góðar minningar þaðan en þegar ég var sextán ára var ég meira en tilbúin að fara þaðan."

Tinna fluttist til Reykjavíkur og fór í Menntaskólann við Hamrahlíð. Hún bjó í eitt ár hjá vinafólki foreldra sinna, í eitt ár leigði hún íbúð með vinum sínum í Laugarnesi en endaði í Hvassaleiti. "Ég er alltaf að flytja," segir Tinna kímín. "Ég vissi alltaf að ég myndi flytja að heiman ung enda á ég eldri systur sem hafði gert það sama. Ég viðurkenni það hins vegar alveg að mér finnst skrytið að vita til þess að sextán ára krakkar geri slíkt hið sama í dag. En ég var allavega alveg tilbúin."

Tinna segist alltaf hafa verið einn af foringjunum í bekknum á Klaustri. Segist samt frekar vera baka til nú orðið en láti í sér heyra þegar henni sýnist svo og geti ekki setið á sér sé henni misboðið á einhvern hátt. "Ég get líka stundum verið skvetta en ég er samt ekki svona út um allt," segir hún og brosir.

## Kærulus á flugi í Los Angeles

Tinna kláraði menntaskólann á þremur og hálfu ári. Fór þá í flugskólann og starfaði meðfram námi

sem gjaldkeri í banka. "Blekið var varla þornað á skírteininu mínu þegar ég fór til Los Angeles með vinkonu minni til að safna flugtímum. Ég var þar í mánuð og það var mikið ævintýri. Ég veit hins vegar ekki hvort ég myndi hætta mér út í það núna," segir Tinna Lind og skellir upp úr þegar hún rifjar upp þennan tíma. "Ég var svo kærulus þá. Það er mjög mikil flugumferð í Los Angeles, ekki eins mikil tilkynningaskylda hjá flugvélum eins og hér á landi, og þær þurfa jafnvel ekki að vera með radíó svo enginn veit af þeim. En mér þótti þetta mikið stuð þá og við flugum í marga klukkutíma á dag."

## Skúffuskáld

Tinna segist ekki vita hvað taki við nú þegar hún er að útskrifast úr Listaháskólanum. Ætlar að minnsta kosti að byrja á því að elta unnustann til Englands. "Ég vil vera alveg róleg og læra að vera í frí, því það er eitthvað sem ég kann ekki. Ég er líka með hálfgerða gelgju gagnvart leikhúsinu – sem er kannski bara eðlilegt fyrir þá sem eru að útskrifast, úr hvaða námi sem það svo er. Ég held að það sé hollt að fólk komi gagnrýnið út úr námi og að í því felist þróunin í hvaða fagi sem er. Þó að það eigi ekki að kollvarpa öllu þá held ég að nýjungarnar komi með nýju fólki. Nýútskrifaðir hjúkrunarfræðingar hafa örugglega sitthvað að segja um gang mála á sjúkrahúsunum o.s.frv. Ég ætla kannski að reyna að skapa eitthvað sjálf – skrifa og svona," segir Tinna sem á eitthvað af efni í skúffunni. "Hver veit nema það fái einhvern tímann að líta dagsins ljós," segir hún.

## viðtal

Tinna segist ekki vita hvort hún eigi eftir að reyna fyrir sér í leiklistinni á Englandi. "Þetta eru mjög ólíkir heimar. Ég þarf bara að kynna mér málið í rólegheitunum og sjá hvernig allt virkar þar og hvernig mér list á. Það eru ábyggilega einhverjir hópar sem eru að gera eitthvað í anda þess sem ég vil gera og þá verð ég bara að leita þá uppi. En ég er rosalega óráðin núna. Ég vil ekki festa mig í einhverju heldur gefa sambandi okkar Garðars meiri tíma," segir Tinna, sem hefur verið með Garðari Thor í ein sex ár. Hitti hann fyrst á rölti í miðbæ Reykjavíkur. Tinna segist ekki vilja tala mikið um samband þeirra. Segir þau ekki vera gift en bendir á trúlofunarhring á hendi sér. "Ekki ennþá en ætli við munum ekki enda uppi við altarið," segir Tinna spök og vill lítið ræða málin. Sirkus hefur þó heimildir fyrir því að Tinna og Garðar muni ganga í það heilaga í sumar.

## Sjómannslíf

Það hefur verið mikið ævintýri í gangi hjá Garðari Thor síðustu mánuði en plata hans kom út í Bretlandi fyrir skömmu. Tinna segir flakkið ekki koma neitt sérlega illa við sig. "Hann hefur alltaf verið á miklu flakki milli landa, jafnvel þótt það hafi ekki allt komið fram í fjölmiðlum," segir Tinna. Þau Garðar reyna að hittast eins oft og þau geta. "Við fundum það út að þrjár vikur eru svona hámarkið sem við getum verið í sundur og þá reynum við að hittast. Svo koma líka stundir sem mig langar allt í einu að fara út og hitta hann. En þetta venst svo sem eins og allt annað. Þetta er svoltið eins og að eiga mann sem er sjómaður," segir Tinna. "Svo vitum við ekkert hvernig þetta á eftir að þróast eða í hvaða farveg hans mál fara. Hann er allavega búinn að koma plötunni út og hún gengur bara vel."



Tinna Lind Gunnarsdóttir er að útskrifast af leiklistarbraut í Listaháskólanum í haust en ætlar að fylgja Garðari Thor til London. SIRKUSMYND/ANTON

„ÉG VERÐ STUNDUM SVOLÍTIÐ MEÐ-  
VIRK OG FER SJÁLF ÖLL AÐ SVITNA  
ÞEGAR HANN STÍGUR Á SVIÐ.“


## Kynþokkafullur Garðar

Tinna og Garðar Thor vinna að vissu leyti í sama bransanum og reyna að veita hvort öðru stuðning. "Við erum mjög heppin með það og við skiptumst á að hafa hvort annað upp," segir Tinna, sem hefur þó nokkrum sinnum séð Garðar Thor syngja eftir að plata hans kom út í Bretlandi. "Ég verð stundum svoltið meðvirk og fer sjálf öll að svitna þegar hann stígur á svið," segir hún og hlær.

Spurð hvernig það komi við hana að Garðar sé trekk í trekk valinn kynþokkafyllsti karlmaður landsins

svarar Tinna um hæl: "Mér finnst hann allavega voða kynþokkafullur."

Tinna stefnir á að flytja út til Garðars Thors eftir tónleika hans með Sinfóníuhljómsveit Íslands 7. júní næstkomandi. Hún segist ekki vita hvað taki við. "Ég vil bara vera frjáls og ef það er eitthvað rosalega spennandi sem kemur upp get ég stökkið á það. Mig langar ekki að vera í þeim sporum að hafa lent einhvers staðar heldur vil ég vanda mig við að velja það sem ég geri og standa með því – gera það sem ég hef áhuga á sem listamaður og manneskja." kristjan@frettabladid.is



Garðar Thor Mun giftast Tinnu Lind í sumar en þau eru búin að vera saman í sjö ár.





  
**ROYAL CANIN**  
þekking og virðing fyrir dýrunum þínum



# dýrin stór og smá

FÖSTUDAGUR 1. JÚNÍ 2007



FRÉTTAFLAÐIÐ/NOÐUR

[www.fiskabur.is](http://www.fiskabur.is)

Verslun Trönuhrauni 10 Hafnarfirði s: 544 20 50



# Upprennandi kvikmyndastjarna

Páfagaukurinn Tóbías lék nýverið stórt hlutverk í sjónvarpsauglýsingu fyrir Wrigley's tyggigúmmíð, sem er gerð fyrir erlendan markað. Ef marka má eigandann gæti vel farið að verkefni yrðu fleiri, þar sem hann sýndi stjörnutakta.

„Auglýsingin var tekin uppi á Geitlandsjökli, við Langajökul, og við fengum sérstaka undanþágu svo hann fengi að gista í Reykholti. Við vorum þarna í tvær nætur þar sem það var of kalt í veðri fyrir Tobba fyrsta daginn til að gera nokkurn skapaðan hlut. Þann næsta var aftur á móti logn og blíða þótt það væri fimmtán stiga frost, þannig að þá var hægt að mynda. Við hefðum aldrei unnið án þess að vera örugg um að hann þyldi veðurfarið,“ segir eigandi Tóbíasar, Jennifer Elinor Ester Einarson.

Að sögn Jennifer stóð Tóbías sig með stakri þrýði á meðan tókur fóru fram og ekki leið á löngu þar til flestir í tókuliðinu höfðu fallið kylliflatir fyrir persónutöfrum og dugnaði þessa litskrúðuga Green Wing Macaw-páfagauks. „Það er alveg óhætt að segja að hann búi yfir ómældum leikhæfileikum og hafi jafnvel náð að skyggja á mennsku leikaranna,“ segir hún og hlær.

Tóbías á að vísu ekki langt að sækja hæfileikana, þar sem hann var áður í eigu leikaraparsins Stefáns Karls Stefánssonar og Steinunnar Ólínu Þorsteinsdóttur, og hafði aðeins reynt fyrir sér í leiklistinni þegar hann lék á móti Stefáni í þætti af Latabæ. Eins og flestir vita eiga páfagaukar auðvelt með að líkja eftir eigendum sínum, þannig að ekki er ólíklegt að hann hafi lært eitthvað af at-



Jennifer er hér með Tóbías en hún og eiginmaður hennar reka gæludýraverslunina Furðufugla og fylgífiska.

FRÉTTABLAÐIÐ/HÖRÐUR

vinnuönnunum meðan á vistinni stóð.

„Tobbi talaði að vísu ekki alveg eins mikið og búist var við, þar sem hann er einstaklega málgláður að upplagi,“ segir Jennifer og bætir við að henni finnst þó ekki óeðlilegt að smá feimni geri vart við sig

hjá listamanni sem er að stíga sín fyrstu spor á frambrautinni.

Þótt Tóbías hafi enn ekki náð að skapa sér stórt nafn í kvikmynda-bransanum segir Jennifer að engu að síður hafi verið komið fram við hann eins og stjörnu meðan á tókum stóð. Til marks um það fékk

páfagaukurinn sérstaka aðstöðu líkt og um Hollywood-stjörnu væri að ræða og var þess ávallt gætt að vel færi um hann í tókum.

En skyldi frammistaða páfagauksins í Wrigley's-auglýsingu hafa kallað á fleiri verkefni? „Ekk ennþá, enda er enn verið að

vinna í auglýsingu úti í Pólandi,“ segir Jennifer. „Við bíðum spennu eftir að fá eintak sent til landsins.“ Hún útilokar þó ekki að framhald verði á, að því tilskildu að þeim Tobba lítist vel á hugmyndina.

roald@frettabladid.is

**OPPIÐ FRÁ 9:00 TIL 18:00 VIRKA DAGA**  
**Bakvaktir um helgar og á kvöldin**

MIKILSKAPANATÖÐ  
FÁGGIENNA

**Móttökutímar**

Móttaka gæludýra er alla virka daga milli kl. 8.00 og 18.00 og frá kl. 10.00 til 12.00 á laugardögum.

Móttaka hrossa er eftir tímapöntunum en frá 1. janúar til 15. júní er einnig opin stofutími virka daga milli kl. 16.00 og 18.00.

**Bakvakt** á lan sólahringinn  
í síma 540 9900

**Dýralæknar**

Dagmar Hjörleifsdóttir ..... s. 663 9907  
Helgi Sigurðsson ..... s. 892 1719  
Hrund Ýr Óladóttir ..... s. 892 4713  
Katrín Harðardóttir ..... s. 862 1520  
Lisa Bjarnadóttir ..... s. 899 9469  
Ólöf Loftsdóttir ..... s. 897 1047

**Dýraspítalinn VÍÐIDAL**

Vatnaveituvegur · 110 Reykjavík · sími 540 9900

## Besti vinurinn á hvíta tjaldinu

Hundurinn hefur fylgt mannum frá ómunatíð. Hann hefur trítlað á eftir húsbónda sínum hvert sem leiðin liggur. Út í búð, um ókunn lönd og jafnvel út í geim. Hann hefur jafnvel fylgt upp á hvíta tjaldið.

Sumir hundar hafa heillað okkur svo í bíómyndunum að þeir skyggja á mennska meðleikara sína. Sumir vegna þess hversu vel þeir eru þjálfaðir, aðrir vegna þess hversu sætir þeir eru og enn aðrir einfaldlega vegna þess hversu ógeðslegir þeir eru.

Lassí hefur átt hug og hjörtu vesturheims síðan hún kom fyrst fram á sjónarsviðið árið 1938. Frægðarsól þessa viðkunnanlegu Rough Collie-tíkur reis hæst í sjónvarpsþáttum 1954 til 1974 og á þeim tíma var varla það barn sem ekki þekkti Lassí og vildi alveg eins hund á heimilið.

Þrátt fyrir að kjölturakinn Benji væri ekki jafn glæsilegur og Lassí var hann engu síður vinsælli. Svo skemmtilega vill til að kvikmyndin um Benji kom út sama ár og sjónvarpsþættirnir um Lassí hættu, árið 1974, og því um eiginlegan arftaka að ræða. Margir hafa jafnframt gengið svo langt að kalla myndina um



Lassí er Audrey Hepburn hundastjarnanna. Á því er enginn vafi.



K-9 og Rex voru báðir af Schäfer-kyni og miklar hetjur.

Benji eina bestu fjölskyldumynd allra tíma.

Þegar kemur að lögregluhund-

um deila Hooch, Rex og K-9 titlunum. Rex og K-9 eru keimlíkir, enda báðir Schäfer-hundar. Hooch er af öðru sauðahúsi og ein óvenjulegasta hundastjarna hvíta tjaldsins. Það skýrir kannski af hverju aldrei var gerð framhaldsmynd.

Einn frægasti hundur kvikmyndasögunnar verður samt að teljast Cujo en öfugt við hinar stjörnur er ekki nokkurt barn sem vill fá þetta skrímli inn á heimilið.

tryggvi@frettabladid.is



# Við erum **kátir** og hamingjusamir hvolpar



Það er Pedigree hvolpafóðrinu að þakka!

**Pedigree**<sup>®</sup>

Fyrir hundinn þinn



# Kærkomnir gestir

Linda Ósk Sigurðardóttir starfar sem verkefnisstjóri við verkefnið Heim-sóknarvinir hjá Rauða krossinum, en það er almenn heimsóknarþjónusta við ýmsa þjóðfélagshópa. Fyrir rúmu ári hóf hún tilraunir með að láta hunda heimsækja fólk og hafa þær gefið góða raun.

„Verkefni þetta var sett á laggirnar eftir að það kom í ljós að hér á landi eru margir sem búa við töluverða félagslega einangrun,“ segir Linda. „Þetta er mjög góð leið til að ná til þeirra sem eru einmana en þó erum við alltaf að reyna að auka á fjölbreytnina. Það er mjög sjaldgæft að þau sem eru félagslega einangruð hringi og biðji um að

fá heimsókn og því reynum við að finna leiðir til að ná til þeirra. Ein þeirra var að nota hunda við heimsóknir, en hundur getur virkað sem eins konar ísbrjótur við fyrstu heimsóknirnar. Þær geta verið svolítið erfiðar, en hundar hjálpa fólki að losa um feimnina. Þeir bjóða líka upp á hlutverk eins og að gefa þeim að borða, fara út að ganga og fleira. Mér finnst þetta í raun bara vekja fólk til lífsins,“ segir hún og bætir við að það að strjúka hundinum og sýna honum hlýju losi oft um tilfinningalegar hömlur og gefi þeim sem eru heimsótt mikið.

Um tilkomu þess að fara með hunda í heimsóknir segir Linda hugmyndina hafa komið til sín úr ýmsum áttum, meðal annars af því að fylgjast með sjónvarpsþátt-



Íða er orðin besta vinkona Jóns eftir að hann fór að fá heimsóknir frá henni einu sinni í viku.

MYND/INGA BJÖRK GUNNARSDÓTTIR



Þessar sætu prúðbúnu systur heimsækja reglulega langveik börn í Rjóðrinu, en það er hvíldarvistun í Kópavogi.



Íða, Jón og Bjarni í gönguferð.

MYND/INGA BJÖRK GUNNARSDÓTTIR

um á Animal Planet og fleira. „Svo vissi ég af verkefni sem var í gangi á Landakoti hjá Ingibjörgu Hjaltadóttur hjúkrunarfræðingi, en það gekk út á að leyfa hundum að heimsækja heilabílaða. Verkefni þetta gaf ákaflega góða raun og sýndi fram á að fólk hefur gott af þessu.“

Eftir viðtal í sjónvarpi höfðu margir hundaeigendur samband við Lindu og lýstu yfir áhuga sínum að fara með hundana í heimsóknir til fólks. „Við byrjuðum með afmarkaðan hóp og eina Rauða kross-deild til að sjá hvernig gengi. Fyrst var þetta bara ein heimsókn en í dag eru þær orðnar um ellefu hér á höfuðborgarsvæðinu og hafa

staðið í rúmt ár. Eins og staðan er núna eru nokkrir hundaeigendur að biða þess að geta hafið heimsóknir en þeir hafa allir farið á námskeið og eru tilbúnir í verkefnið.“

Jón, sem er með geðklofa og býr á sam-býli, hefur fengið tókina Íðu ásamt eigandanum Bjarna Sigurðssyni til sín einu sinni í viku í heilt ár.

„Þessar heimsóknir hafa gert Jóni mjög gott. Til dæmis vill hann mun frekar fara út í gönguferðir og biður alltaf spenntur eftir því að Íða komi í heimsókn. Hann kennir henni ýmsar kúnstir og verður fyrir vikið virkari og opnari,“ segir Linda Ósk að lokum.

-mhg





# Við bloggum á dyraheimur.is



Bloggar  
gæludýrið  
þitt?

**DÝRAHEIMUR**



[www.dyraheimur.is](http://www.dyraheimur.is)





Þó það sjáist ekki á honum er Gutti Pet staurblindur. Hann lifir hins vegar hamingjusömu hundslífi fyrir því.

FRETTABLAÐIÐ/HÖRÐUR

# Hefur aldrei elt bolta

**Gutti Pet er eins og allir aðrir hundar. Hann elskar að hlaupa og þefa af hinu og þessu. Hins vegar hefur hann aldrei elt bolta enda getur hann ekki séð þá.**

„Þú sérð ekki að Gutti sé blindur ef þú veist ekki af því,“ segir Ragnar Petersen, eigandi hins sex ára Gutta, og lýsir því hvernig hann endaði hjá honum. „Stúlku sem starfaði við tanningar hjá syni mínum áskotnaðist þessi hvolpur sem hún gat ekki haldið. Hún og kærastinn komu við í hesthúsinu hjá mér á leiðinni á dýraspítalann þar sem átti að lóga honum. Það má því segja að ég hafi bjargað honum,“ segir Ragnar en hann ætlaði sér ekki að eiga hvolpinn enda átti hann hund fyrir. „Hann var voðalega lítill og þegar ég kom heim, tók tíkin mín hann að sér, druslaði honum í bælið og þreif hann hátt og lágt,“ segir Ragnar sem gat ekki hugsað sér að taka hvolpinn af henni. „Þannig að ég sat í súpunni og sit enn, því hún er löngu dáin,“ segir Ragnar og hlær.

Fljótlega kom í ljós að ekki var allt í lagi með Gutta. „Þegar hann var orðinn það stálpaður að hann gat hlaupið um gólf-in stímdi hann á alla hluti,“ segir Ragnar en þá kom í ljós að Gutti er með arfgengan sjúkdóm og því með ónýta augasteina.

Gutti lætur þó fötlun sína ekki aftra sér og nýtir heyrn og þefskyn til að komast um. „Hann er mjög minnugur og plumar sig vel í því umhverfi sem hann þekkir. Ef hann er á nýjum stað fer hann sér mjög hægt og beygir sig niður eins og köttur í veiðiham. Svo nota ég hljóðmerki til að

hann geti elt mig,“ segir Ragnar en Gutti fylgdi honum í reiðtúr einu sinni á dag, þó alltaf sömu leið. „Þá var hann mjög keikur og hljóp alltaf á undan,“ segir Ragnar sem hætti að fara með Gutta í reiðtúra fyrir rúmu ári þegar hann var orðinn svo hæg-fara að hann fylgdi ekki lengur með. „Gutti sá áður einhverja týru en er í dag orðinn staurblindur,“ útskýrir Ragnar.

„Gutti er mjög góður félagi og skemmtilegur. Hins vegar er ekki hægt að leika við hann eins og aðra hunda, enda sér hann ekki bolta eða slíkt. Honum finnst hins vegar skemmtilegt þegar ég slæst við hann,“ lýsir Ragnar og bætir við að Gutti sæki mjög í félagsskap fólks, þó meira konur, og veltir því fyrir sér hvort Gutti kunni betur við kvenraddir. „Þá þekkir hann fólk á lykt og rödd og gerir mikinn mannamun,“ segir Ragnar glaðlega. Þrátt fyrir að Gutti plumi sig vel segir Ragnar að stöðugt eftirlit þurfi að hafa með honum svo hann verði ekki fyrir bíl. „Annars hefur aldrei neitt komið fyrir. Ég prófaði einu sinni að stinga hann af í reiðtúr til að sjá hvernig hann brygðist við. Hann var svo skynsamur að hann beið þolinmóður á þeim stað sem hann týndist.“

Þess má geta að Gutti á sér alnafna. Hest sem heitir Gutti Pet og var í tanningu hjá Ragnari stuttu áður en hvolpurinn kom á heimilið. „Ég var að lónsera folann úti í gerði en hann stökk alltaf yfir gerðið og yfir á stéttina. Ég hafði ekki löngu áður verið að syngja Guttavísur með sonardóttur minni og þótti tilvalið nafn á folann, svo kom hvolpurinn og mér fannst sætt að hann hétu þá líka.“

solveig@frettabladid.is



be different.



how soft? - dog disposal pick up kit

# UNITEDPETS

**Hundaeigendur, þrífum upp eftir hundana okkar!**



UNITED PETS

Umboðsaðili á Íslandi Aladdin ehf

## Tilbúna fóðrið best

Hvernig á að fóðra hunda og ketti svo þeir fá öll næringarefni sem þeir þarfnast? Svafa Sigurðardóttir dýralæknir, sem starfar á Stuðlum í Ölfusi, var innt eftir því.

„Í góðu og vönduðu pakkafóðri er það eina sem gæludýrin þarfnast. Það þarf bara að gæta þess að ofala þau ekki. Á því er viss hættu í þessu neyslubjóðfélagi – að það sé borið of mikið í þau,“ segir Svafa og bendir á að dýrin skammti sér ekki sjálf. „Þeim finnst svo gott að borða, sérstaklega ef búið er að gelda þau.“ Hún segir offitu geta fylgt ýmsir kvillar hjá dýrunum, sykursýki, skemmdir liðir og fleira. Það á samsagt að spara í þau rjómann? „Vatn er besti drykkurinn en auðvitað mega þau fá mjólkur-dreitol af og til og jafnvel rjóma til hátíðabrigða. Bara ekki of mikið enda fá sum dýr í magann af mjólk. Kettir vilja ferskt vatn, helst beint úr krananum. Þeir eru kræsnir og um leið og vatnið er farið að standa þá finnst þeim það fúlt. Hundar eru miklu meiri alætur og láta sér flest vel líka. Oft fá hundar aukabita þegar verið er að gleðja þá en stundum valda þeir aukabitar magakveisum og útbrotum. Þessi grey þola illa kryddaðan mat og feitan.“

Næst er Svafa spurð um beinin. Í öllum teiknimyndasögum eru hundar með bein og þannig var það í sveitinni líka. „Sumir hundar þola illa bein. Þeir þurfa samt að naga og leika sér, sérstaklega þegar þeir eru ungir. Þeir fá vissulega kalk og önnur steinefni úr beinum en með jafnvægisstilltu fóðri í pökkunum er hugsað fyrir öllu. Það er blandað eftir aldri, jafnvel tegundum. Það er hægt að kaupa fóður fyrir innidýr og svo annað fyrir þau sem eru á mikilli hreyfingu eins og veiðihundar. Þegar dýrin verða gömul breytist samsetningin, fóðrið er haft auðmeltara og einnig er til alls konar sjúkrafóður. Ég veit ég hljóma eins og sölumaður en svona eru hlutirnir og þetta sérútbúna fóður einfaldar lífið þó dýrin hafi auðvitað étið allt annað í aldanna rás.“

Þar sem Svafa starfar úti í sveit er hún að lokum spurð hvort hún fái stundum til sín ketti sem eru hafðir í útihúsum og lifa á músum? „Jú, jú, en þeim er alltaf gefið með. Þeir eiga skál með fóðri úti í fjósi.“



„Kettir elska fisk en þeir þurfa annað með,“ segir Svafa sem starfar á Stuðlum í Ölfusi. FRETTABLAÐIÐ/E.ÓL.

gun@frettabladid.is





# Ný upplifun...



Hestamiðstöð Íshesta í Hafnarfirði - fyrir alla, alla daga vikunnar.



## Fjölskyldudagar og ferðir

Allir sunnudagar eru fjölskyldudagar hjá Íshestum. 50% afsláttur í klst ferð kl. 15:00, teymt undir börnum kl. 16:00 - 17:00. Okkar sívinsæla hraunferð er í boði þrisvar á dag. Þá erum við einnig með ferðir fyrir vana. Kaffi og kökur í Jósölum. Allir velkomnir.



## Kúreka fjör

Upplifðu alvöru kúrekaævintýri. Heitasta ferðin í dag, tökum vel á móti stórum sem smáum hópum. Tugir þúsunda manna hafa stigið línudansinn í hlöðunni, keppt í skeifukasti og skvett úr hófunum í kúrekastuði. Ætlar þú að bætast í hópinn?



## Jósalir veitingastaður

Athvarf í erli dagsins.

Jósalir er veitinga- og kaffistaður í Hestamiðstöðinni. Allt í kring eru fallegar gönguleiðir og tilvalið að kíkja inn, alltaf heitt á könnunni og léttar veitingar. Fullbúinn bar er á staðnum og alltaf opið í hádegismat. Mjög vinsæll veislusalur til leigu. Tilvalið fyrir fermingar, brúðkaup og einnig námskeið og fundi.

## Reiðskóli - innritun hafin

Hver dagur er bland af skemmtun, áskorunum og ævintýrum.

Þjóðum upp á námskeið fyrir börn (6 - 16 ára) og fullorðna, byrjendur og lengra komna. Menntaður reiðkennari sér um alla kennslu. Öllum barna og unglunga námskeiðum lýkur með sýningu og tveggja vikna námskeiðum lýkur einnig með prófi.



Íshestar, Sörlaskeiði 26, Hafnarfirði - sími: 555 7000 - www.ishestar.is - info@ishestar.is

# Stórsýning hjá IB.ehf

## laugardaginn 02.06.07 Opíð 11-17



Allir nýju amerísku gæðingarnir, Dodge, Ford og Chevrolet. Ný útlit og nýjar díselvélar.

Ný 381 hö Toyota Tundra Crew Max limited

Nýr Chevrolet Silverado 1500



## Reynsluakstur

Öruggir bílar til að vera á...

Varahlutir - Sala - Ábyrgð - Þjónusta - Sérpantanir

Sími 4 80 80 80

Fossnesti A

800 Selfossi





**70% útskrifaðra nemenda Háskólans á Bifröst eru komnir í stjórnunarstarf innan 5 ára að námi loknu.**

**Háskólinn á Bifröst er eini „campus“-skólinn í félagsvísindum á Íslandi.**

**Nemendur vinna raunhæf verkefni í gegnum allt námið.**

**Nær helmingur nemenda dvelur eitt misseri erlendis t.d. í Kína.**

**Háskólinn á Bifröst býður upp á mjög öflugt fjarnám.**

## **Umsóknarfresturinn að renna út!**

**Umsóknareyðublöð eru á heimasíðu skólans, [www.bifrost.is](http://www.bifrost.is)**

### **Lagadeild**

Í lagadeild er boðið upp á viðskiptalögfræði sem samsett er úr greinum lögfræði, fjármála og viðskipta. Námið er afar hagnýtt og veitir góðan undirbúning fyrir atvinnulífið eða frekara nám. Nemendur útskrifast með BS gráðu í viðskiptalögfræði.

### **Viðskiptadeild**

Alhliða viðskiptanám sem ætlað er að búa nemendur undir ábyrgðar-, forystu- og stjórnunarstörf í innlendu og alþjóðlegu samkeppnisumhverfi. Í BS námi í viðskiptafræði eru kennd öll helstu svið stjórnunar, rekstrar og viðskipta.

### **Félagsvísindadeild**

Deildin býður upp á grunnnám til BA í HHS (heimspeki, hagfræði og stjórn málafræði). Grunn nám í HHS er traustur undirbúningur fyrir hvers kyns framhaldsnám á sviði hug- og félagsvísinda, til meistara- eða doktorsgráðu og fyrir störf á alþjóðlegum vinnumarkaði.

**Umsóknarfrestur í grunnnám er til 10. júní 2007**

Frekari upplýsingar:

**[www.bifrost.is](http://www.bifrost.is)**

311 Borgarnes | Sími 433 3000



**HÁSKÓLINN Á BIFRÖST**  
BIFRÖST UNIVERSITY